

UNIVERZITET U TUZLI

Broj: 01-129-JN-27/21

Tuzla, 17.03.2022. godine

fax. 035/300-544

Na osnovu člana 110. Zakona o javnim nabavkama Bosne i Hercegovine (Službeni glasnik BiH broj: 39/14) i člana 29. stav 2. Pravilnika o internim procedurama u postupku javnih nabavki roba, usluga i radova na Univerzitetu u Tuzli broj: 04-645-4/06 od 13.02.2006. godine a u vezi sa uloženom žalbom ponuđača „INGEL“ d.o.o. Tuzla broj: 0315-01/2022 od 15.03.2022. godine, po punomoći Rektorice broj: 01-2593-1/20 od 11.06.2020. godine Direktor za ekonomske poslove Univerziteta u Tuzli, dana 17.03.2022. godine donosi:

## O D L U K U

Obustavlja se postupak javne nabavke računarske opreme za potrebe realizacije projekta SUCCESS, ugovornog organa Univerzitet u Tuzli, pokrenut putem Otvorenog postupka broj: 01-129-JN-1/21 od 02.11.2021. godine objavljen na Portalu javnih nabavki „E-nabavke“ broj: 795-1-1-95-3-85/21 od 09.11.2021. godine, sažetka obavještenja objavljenim u „Službenom glasniku BiH“ broj: 69/21 od 12.11.2021. godine i WEB stranici Univerziteta, do donošenja Odluke Ureda za razmatranje žalbi po uloženoj žalbi broj: 0315-01/2022 od 15.03.2022. od strane ponuđača „INGEL“ d.o.o. Tuzla, koja je od strane Univerziteta u Tuzli ocijenjena neosnovanom.

## O B R A Z L O Ž E N J E

Univerzitet u Tuzli pokrenuo je postupak javne nabavke računarske opreme za potrebe realizacije projekta SUCCESS, putem Otvorenog postupka javne nabavke broj: 01-129-JN-1/21 od 02.11.2021. godine. Obavještenje o nabavci objavljeno je na portalu javnih nabavki „E-nabavke“ broj: 795-1-1-95-3-85/21 od 09.11.2021. godine, sažetka obavještenja objavljenim u „Službenom glasniku BiH“ broj: 69/21 od 12.11.2021. godine, te web stranici Univerziteta.

Ugovorni organ je prvobitno donio Odluku o izboru najpovoljnijeg ponuđača broj: 01-129-JN-9/21 od 13.12.2021. godine kojom je odabrao ponudu ponuđača „IMEL“ doo Lukavac, te istom dodijelio ugovor o nabavci.

Ponuđač „INGEL“ doo Tuzla je dana 22.01.2021. godine izvršio uvid u ponudu ponuđača „IMEL“ doo Lukavac, te je 24.12.2021. godine te uložio Žalbu na Odluku o izboru najpovoljnijeg ponuđača broj 01-129-JN-9/21.

Ugovorni organ je Žalbu proslijedio URŽ-u sa svojim izjašnjenjem na navode žalbe, kao i kompletnom dokumentacijom u vezi s postupkom protiv kojeg je izjavljena žalba.

Ured za razmatranje žalbi BiH je donio Rješenje broj JN2-03-07-1-11-10/22 od 27.01.2022. godine kojim je žalbu usvojio, te poništio Odluku o izboru najpovoljnijeg ponuđača, i predmet vratio Ugovornom organu na ponovni postupak.

Ugovorni organ je u ponovnom postupku izvršio ponovni pregled i ocjenu ponuda, kojom prilikom je u ponovnoj analizi dostavljenih ponuda utvrdio da se ponuda ponuđača „IMEL“ doo Lukavac odbacuje kao neprihvatljiva, a ponuda ponuđača „INGEL“ doo Tuzla je jedina prihvatljiva ponuda, te shodno preporuci Komisije Ugovorni organ je donio Odluku o dodijeli ugovora broj 01-129-JN-17/21 od 08.02.2022. godine kojom je u okončanom postupku ove javne nabavke dodijelio ugovor o nabavci ponuđaču „INGEL“ doo Tuzla.

Nadalje punomoćnik ponuđača „IMEL“ doo Lukavac je dana 14.02.2022. godine izvršio uvid u ponudu ponuđača „INGEL“ doo Tuzla, te je dana 17.02.2022. godine izjavio Žalbu broj E-04-10.02-6767/22 na Odluku Ugovornog organa broj: 01-129-JN-17/21 od 08.02.2022. godine.

Ugovorni organ je putem imenovane Komisije razmotrio Žalbu te utvrdio da je ista blagovremena, dopuštena, izjavljena od ovlaštenog lica, i da je u cjelosti osnovana, te je Odluku o poništenju postupka nabavke donio temeljem člana 100. Stav (3) ZJN BiH.

Na Odluku o poništenju postupka javne nabavke broj 01-129-JN-23/21 od 24.02.2022. godine ponuđač „INGEL“ doo Tuzla je uložio žalbu, koja je razmotrena od strane Komisije te utvrđeno da je ista blagovremena, dopuštena, izjavljena od strane ovlaštenog lica, ali da je neosnovana, pa je shodno odredbom člana 100. stav 5. Zakona, Univerzitet u Tuzli kompletnu dokumentaciju u vezi predmetnog postupka uputio Uredu za razmatranje žalbi BiH radi odlučivanja.


Primjer Odluke o obustavljanju postupka Univerzitet će dostaviti Uredu za razmatranje žalbi BiH i svim učesnicima postupka.

Dostavljeno:

1x Ured za razmatranje žalbi BiH

1x svim učesnicima

1x a/a



DIREKTOR ZA  
EKONOMSKE POSLOVE

*Matović*  
Matović, dipl. ecc.